

藝藩通志

嚴島十八之廿
藝文

三十之三十二

和書門類		二二六〇五號	二〇二函	一一二架	九二冊
------	--	--------	------	------	-----

內閣文庫		二二六〇五號	九二冊	一一二架	七五函
------	--	--------	-----	------	-----

丙二一〇一六號

內閣文庫		番號	和 22605
		冊數	92 (17)
		函號	175 171



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale




© Kodak, 2007 TM: Kodak



嚴島寺五

信


嚴島寺
在嚴島
觀音
殿
坐
落
在
嚴
島
之
中
其
殿
之
形
制
極
其
宏
敞
而
其
殿
之
內
則
有
觀
音
之
坐
像
一
尊
其
像
之
大
小
與
殿
之
宏
敞
相
稱
且
其
殿
之
內
又
有
其他
之
佛像
及
其他
之
佛像
其
殿
之
外
則
有
其他
之
佛像
及
其他
之
佛像
其
殿
之
內
又
有
其他
之
佛像
及
其他
之
佛像
其
殿
之
外
則
有
其他
之
佛像
及
其他
之
佛像



嚴島藝文五

僧密海
知師真製否
如未

島開佛寺示觀
島開佛寺示觀



聽花鯨催晚一人密
聽花鯨催晚一人密

妙辨才切德天邊緣仙
妙辨才切德天邊緣仙

島着野鹿在江俗閑
島着野鹿在江俗閑

島立經藏拂樂
島立經藏拂樂

九
卷

天文十七戊申乘商舶來安藝嚴島景物無不
往作一詩八句獻天女 僧仁啓

嚴島身聞身始臻風光天下絕

百八廻廊偃海圻紅袖輕輕妝舞女金鈴察察樂

靈神大明望足歸朝日護我法梁億萬春

鄩鄩一時謹奉上嚴島大明神之靈廟下題廻

廊之壁

僧元立

前是滄溟後是巒儼然神廟倚江干廊腰潮滿月如

蹈不覺吟身到廣寒

襲同韻題之

僧聖心

巒擁古宮宮擁巒水光掩映玉欄干長廊回首興殊

好風卷浪花江月寒

嚴島

僧自休

水是潮兮島是巒三光相映落波瀾不離當處神仙

境百八廻廊一社壇

永祿中予辱奉相公官命赴豐後州寄舟楫於

藝陽嚴島并謁辨財天女之靈廟喜賦一篇以

掛廟廊上

僧萬念

此地築宮安辨財長廊一百八間廻窈前不知春過
去多有啣花野鹿來

天正二年欽賦靈鑑碧海渺渺摩尼殿貴賤低

頭青山重重切利天俯仰空首指菩薩面譬為

藥現天女欣着伽梨爰有江湖之漂泊乃攸詣

也遍為緇素之米往詎不祖之虞舜韶樂奏春

風攝皇河圖浮夜月祝祈所志綴禪詩三絕

東魯關左鑑林齋

扶桑絕景在西關左右迴廊百八間月白波青沙界

眼前吞海矣後吞山關四德知不中世與合亦存

重来此地變沙中從古和光影已同半夜華鯨吐潮

後層波涌出水晶宮

詣游嚴島

僧卓翁

舟中期得到嚴島蓄念盡伸飽品題先見山容富詩

景登臨漫興意將迷
背者山高前者洲從來風定萬波收
看看海嶽莊嚴水放出摩訶般若舟

詣嚴島

僧南源

畫工擲筆此佳境重閣迴廊映水中
野鹿含花春浦岸沙鷗藏白霧江風
迢迢嚴島浮蒼浪嶮嶮彌山聳碧空
多景滄茫望未極暮雲吐月海門東

嚴島

僧鼎庵

多臻宮島忘歸程每步迴廊疑化城
遠見往還舩一近聽千鳥喚朋聲
舩作靴兮海作程江南暗至錦官城
忽聞雲霧溟濛裡琴瑟篴簫笛聲
景應剋四百餘州鐫作珊瑚琥珀樓
神領茲山曰嚴島與龍宮有幾春秋
鼇背擎來是十洲晒無價寶水雲樓
奇哉天下無雙島露出珊瑚明月秋

清盛昔日再興來，今古猶新音樂臺。
龍馬場子千丈瀑，定平家在此蓬萊。
藝南嚴島御山裡，化度明神岳跡來。
依有求聞持秘法，榮花香散鳳皇臺。
四方七里五三里，海賊家船恐往來。
不換千金嚴島境，誰偷此景置瑤臺。
皎月影浮金殿前，萬波交洗玉神仙。
浸和光影兩嚴島上，是天兮下是天。

約彌勒與釋迦間，當島御真唯得閑。
此所神通非凡慮，山橫海底海橫山。
容舩維置近江間，輕載鐘聲夕日閑。
弘誓扉中幾世在，東吳萬里拜茲山。
峰聳虛空麗海中，四方八面共塩風。
鼎菴指号扶桑一，吾道三州出格宮。
元來茲島藝州中，弓箭平均掉順風。
百八迴廊潮洗處，南無薩埵水晶宮。

寬永七年庚午仲秋獻神廟

龍山靈主

船維嚴島詣尊天巫祝敬恭侍社前百八迴廊臨水
緩三千飛瀑帶風旋野鹿馴人猶濯濯閑鷗離俗本
鮮鮮仙鶴歸來華表上乃師算嶽幾由延

寬永十三年丙子歲題遠瀛神廟之壁

古高重成

今古地靈世已無風光惟肖小蓬壺廟廊浮水勢蟠

屈疑是蛟龍卧海隅

寬永十三年丙子春欲去藝陽遊伊都岐島口

諫二首題榜壁間

石川文山

恭惟市杵島姬命神聖靈蹤益壯哉廟貌巋然浮海

水怪看蜃氣吐樓臺

江山頗係念行樂賞春晴俯見魚龍躍仰聞猿鶴鳴

月昇燈影淡風靜磬聲清要永別雲水留詩記姓名

同題經堂柱

一島周廻惟七里層峰蒼蔚勢崑然衆人浴澡長濱
水群女徘徊小浦追塔傍山堂高聳漢寺棲林壑薄
籠烟飛樓湧殿連江曲無教神燈

同登彌山率記所見古詩三十韻

巖島蒼溟上彌山素雲邊廟貌壓垠堦霞闕溢穹天
伊昔蓬瀛地縹緲接神仙應真飛錫孤安期賣藥還
嶮嶮坤軸絕崆峒日輪旋渙汗憩樾蔭袒裼盥飛泉
旁礪無人境登臨意惘然芝艸醉玄解松子飽僊仝

巨石競怪狀遠客愕叱遭浮景接崑閬層陰延虞淵
回顧踞疊磴跼步凌絕巔俛仰遺身世騁懷獨踟躕
魍魅時出沒蝙蝠晝飄翩歸墟千仞谷弱水萬里舩
對西青壑聳巨東翠微連白鳥有雌雄振古不知年
雙飛巢壽域幾度見萊田日靈尊如在市杆姬取躔
二聖三千載小祠八九椽空海据神區遺求聞持傳
蒲宇吼絢簾華表峙阡後叫煙霧裡鹿卧殿堂前
木客姑獲鳥化鬼又變鳶居僧僞被害郡民懼為虔

嗟非有道骨疇能久稽旃多病訪負局修生問稚川
高蹈嘯崑曲薄言避塵緣早洗許由耳將拍洪涯肩
茲游重難繼早懷聊欲宣讀者可姍咲信筆記一篇
駕舟過嚴島中流值雨雪

春帆帶雨任輕風江海空濛望古宮島上雲低山上
雪孤舟撐入畫圖中

正保元年甲申六月詣嚴島

遠藤友設

斯神娑竭第三娘胎截界中垂跡場瑞靄上空祈雨
雨靈光照地曰暘暘曉堂雲起備香火滄海潮盈浮
廟廊鼉寂鯨瘖人不見彌山影落月清涼

嚴島春霞

林春齋

簇簇春光西海陞松風一道不迷岐笑他雲雨巫山
女霞彩新粧市杆姬

嚴島

林梅洞

仰看島畔秀奇峰波浪萬層雲一重山似翠眉煙似

黛唯疑市杵現神容

正保四年丁亥六月詣嚴島

保田長義 本府人

聳從山嶺準青天重疊樓臺移海洲群鹿泥人游廟
下亂蟬甜露集叢迥潮浸涯岸洗塵穢風拂綠苔顯
潔鮮朗月直低花表上唯看閨苑五城仙

慶安二年己丑九月詣嚴島

生島軒宗治

神女廟廊臨碧瀾無過刹境水雲寬弥山高秀五臺
嶺嚴島遙連七里灘霞染紅楓翻錦繡風吹岸竹動
琅玕九秋日晚惜餘景月上海天玉一團

承應元年壬辰游嚴島 顏樂齋

猿賓共叫樹林裡鹿友互爭苑圍迥讀者決然宜莞

笑信毫詩葉志口篇 此詩為七言律後半四句神
前題榜前半難看始寫半詩

寬文三年癸卯季夏詣游嚴島

其一 彌山 東祝具

黎明穿霧上彌山，半腹月殘古木間。門有二王雙立

古堂安，大日一輪閑。李度論靈氣，

其二 櫻谷

行過櫻谷有嵒谷，中拜大師不動尊。一見知潮奇石

穴，回頭更過昆沙門。

其三 登高樓

樓古宗盛寄，附鐘灰殘弘法護摩蹤。本堂恭拜虛空

藏，傍有求聞持象龍。

其四 三光石

聞說佐州御月灘，漁人網裡石崑崙。看來日月星辰

貌，和夢入山今又存。

其五 三鬼神

鎮護斯山三鬼神，登臨不淨暗拋身。一雙振古白鳥

使，常食供餘自近人。

其六 奧院

一徑縱深入更深，巖然薩埵坐山陰。澗流密酌曹溪

水山色現采慧果心

其七 日下瀑泉

高懸翠壁白絲瀑青素經緯錦繡鮮
卽蓋倚筇心不盡久鳴日下五龍前

嚴島 舟中即事

僧杏林 本府國泰寺

彌山雲樹送紅雨小浦春風疊翠嵐
漁父不知湖景好輕和歸棹一肩擔

寬文四甲辰夏仲與天間老人相侶詣藝州嚴

島 肥前桂林寺

一斷莊嚴島清江塔影浮廟廊餘水月鐘聲落汀洲

海色澄諸慮山光豁兩眸偶來迷出處擲杖慎神游

寬文四甲辰夏仲嚴島紀行十有七章名之曰

仙島尋蹤

僧獨立 支那歸化人

輿中偶作

借得籃輿代步艱緣谿到海問仙山僧游不似平原
興費盡舟車教日還

放舟橫海

放舟橫海訪神山，水濶吞天一望間。
片席隨潮風到岸，翠微濃處指仙關。

登岐島

青山壓斷海中天，積翠堆成謔浪邊。
為問仙居何處是，亂峯遮却兩眸前。
一作一季壓斷海中天，翠影濃堆謔浪邊。望裡蓬萊何處是，亂峯雲外雜居仙。
拚却登登羊日時，危峰古樹見多奇。
犬酬快絕爭玄

賞寫出平懷幾句詩

望瀑流

一道飛泉下石梁，崩雲曲曲夾谿長。
繚知不息歸無息，到海還他日月忙。
別有一首險逾華嶽五丁，開迸出飛泉一道來。怪絕驚雲懸峭壁，石橋過去是仙臺。

峯頂古松

矯矯擎雲欲化龍，凌霄石上一孤松。
待乘風雨飛騰去，却被蟠根帶石蹤。
一作凌霄石畔一孤松，不着黏泥帶土蹤。幾會交騰風雨夜，當

頭尺木
化神龍

竹杖間携挾客登芒屨脚底迥無憑松排一徑蒼龍

偃自覺冷然徹骨冰一作為訪仙山挾客登盤雲石

覺冷然
骨已冰

凌霄峰

巍巍片石直干霄仰見天低尺五高我為下看橫海

處方知挿足駕雙螭一作巍巍片石上干霄直下闕

知螭足
結偏牢

石門東晉書

山山疊翠結雲根仙路由通此石門莫道無梁更無

棟箇中別自有乾坤東晉書

三光石

誰剖鴻荒一點胎影含日月映三台瑩然光徹天心

紫幻作人間石卵才一點一作箇

良僊茶話

留客晴窻間打茶山次瓦滿面泛漚花寒香直欲清人

骨而腋風生喜可誇

次守拙韻

四壁衝波露石根晴沙蕩漾護中尊
展開疊翠迴峰影上有仙蹤路莫捫

海濱夜泊

潮落風橫歸去遲船頭颭浪故相持
想當游興情無盡好待明朝
風掀不定浪前舟海黑雲昏望莫由
待得二更明月

上隨潮歸去到沙頭

月上潮生正二更一天風息水紋橫
若教罷祀魚龍

舞好放歸歌擊楫聲

沿山放舟

雲痕密密護山靈裂斷鯨波展翠屏
多少禹工圖不

得仙凡境通未曾境一作徑

塞海山橫七十程上通天步下瑤京
曾聞縮地仙人

術方識須彌納芥情

寬文六丙午七月既望嚴島雜詠

推古天皇垂統日靈神遷座示祥禎君臣報賽羞蘋藻
 藻巫祝繁榮輝瓦甍七浦叢祠連廣斥一基花表峙
 中瀛客人宮裡麋鹿卧姬命社頭潮汐盈百八迴廊
 臨渚轉數千燈火映波明仰觀寶塔雲間秀俯察經
 堂林外橫奏樂伶官呈妙舞振鈴內侍致精誠春花
 開處雖牽輿秋月團時足適情遠上弥山天闕逼漸

歸瀑下夕陽傾再過不識期何歲聊記此遊詩已成

不層 嚴島書堂

一島經回七里灘無邊絕境滿山巒神靈奇異又如

在遍設禮容并社壇向山園始向此處恭念扶桑第一島江邊處處得佳名玲瓏宮殿聳山

岳重疊樓臺接海瀛古木回巖溪水急疎松掩寺晚
風清奇我境地幾年教祭禮到今神道明

風古寬文九年己酉嚴島神前感吟

古重宜對... 山本亨紹 石見人

夏天孤艇航嚴島回首四山趣轉奇成伴晚猿僧納
靜同群市鹿旅人隨高松閱歲色無變修竹含風聲
不衰燈映殿廊銀浪上者看歌興更吟詩

嚴島

宇津宮田的 周防人

孤帆風轉到仙境却似求芝作遠游金榜書空蛇影
動廊燈臨水月光浮時聞六律興珠閣長見五雲隣

玉樓王母敢輕傳奧秘三五雖說漏斯丘

嚴島

一望神嶼地景象太湖清海面涵山骨猿聲和鹿鳴
壯觀行處在詩興坐來生幾許留題者空餘無限情

游嚴島

僧梵吉 天龍寺僧

嚴島傳聞者愈奇松杉包嶺水翻漪不才難寫無邊
景百八廊頭吞海時

僧周達 同上

景是他鄉勝故鄉。初過嚴島辨真相。辨財頒我手中
玉。若不世光其智光。

僧慈鑑 東山僧

威力神通靈豈恒。境往何處有應增。島中不隔晝兼
夜。百八迴廊百八燈。

延寶三年乙卯秋題嚴島

十河清拙

嚴島兀然青海面。龍蟠蚪走護靈宮。亭亭華表聳雲

外曲曲。廡廊橫水中。暗似盛周臺上。看麋鹿迎客出
林叢。更為彭蠡湖邊思。鳥鵲馴人下碧松。巫女鞠躬
連舞袖。群兒行于頌神風。廢傾知與乾坤約。五百年
來粉色濃。

延寶五年丁巳冬奉獻嚴島之神前

橫見某八歲

水殿雲樓寂寞濱。仰見神德秀林間。清瀾洗羽白鷗
境。碧海中。央弋島閑。

天和元年辛酉題嚴島

僧東禪

本府禪昌寺

神仙佳境人間外，神地遙遙絕世埃。
神水推移聖嶠裡，神雲舒卷彌山臺。
神前麋鹿啣花去，神嶽野猿尋菓來。
神德增光春草露，神風稱意采船回。

貞享三年丙子詣嚴島

睡谷

古廟少塵緣，賞心驟繫船。
鹿鳴閑苑下，鷗睡湧廊前。
燈影浮秋水，鈴音響曉天。
重來須白首，暗雨未知還。

春夜社頭弄月

伊坂某

本府人

嚴島從來風景妍，春宵月霽轉堪憐。
山花浮影海門裡，恰似神宮張繡筵。

正史題嚴島

僧月坡

加賀人

山積春秋幾萬年，不知何世住神仙。
水浸塔影魚游陸，潮動雲文人上天。
比屋須當千戶爵，平沙耐繫百帆船。
老来自恨參行晚，一宿烏啼猶未眠。

元祿十五壬午仲春題嚴島

岡田涼恕

本府人

西洋名島神靈境花表凌空峙遠瀛遷座千年降惠
澤羞蘋四節致精誠晨昏來詣諸州客歲月繁榮萬
戶氓春入經堂和氣豁秋登寶塔露珠晶出峰絲瀑
漢垂地傍殿板橋虹映晴晚色深時鳥尚白夜烟消
處月逾明長廊曲直燈籠列古院近遙鐘磬清閑蒞
玉池湔雜慮暫游石洞注幽情堪歡忘却人間嶮自
得悠然胸裡平拙句雖非盡餘興景光難擲寄吟生
蘇子題嚴島

松杉峙立出蓬瀛寒暑有時人不耕彷彿崑崙浮世
外彌山懸月夜明明

詣嚴島揭四時之題 洞行四人

春

麟松子

春來嚴島坐開花自醉赤城一片霞更避世塵麋鹿
友回頭不用問仙家

夏

鳳竹子

夏過嚴島嘯涼風忘却人間炎暑中只愛日長吟不

厭山光水色賞心濃

秋

龜梅子

秋游嚴島乘清月自棹空明寒徹骨不覺坐間何處

天顧身疑入神仙窟

冬

龍菖子

冬望嚴島對霏雪白浪爭花混玉屑游客不知興盡

歸頻貪玄賞談奇絕

游嚴島

僧存榮

岩國天叟詩

崛起蓬瀛浮藝海參差宮殿勢崢嶸飛樓吼月華鯨

響重塔鳴雲簷鐸聲儼肅衣冠營俎豆潔將幣帛致

精誠千秋靈廟千秋德瞻拜幾人仰聖明

登水精寺

稱座

蘭若山高處攀藜登法壇黃花殘檻外瀑布落雲端

奇石虎如踞怪松龍似蟠芳尋僧不在阿字入空觀

題貼石風呂藥師堂

石窟蒸炎火宅中須知三界是如同藥師幸出醫王

予療養人間百病躬... 界多... 同樂... 幸... 出... 醫...

游存光寺

靈場知幾寺傑出一禪林賴有法中主獨縱物外心

山呈清淨相海奏度生音千戶肆屬裡括囊神所歆

嚴島者我藝州勝境幸在其境宜稱贊而不能

者何所謂西湖翁不識湖景也以下教草雖不

足載錄且備之教 僧應量海 本府禪昌寺

寶永元甲申夏題嚴島... 寺... 山... 景... 亦... 優...

嚴然一島浮靈廟枕沙洲松韻晴聽雨蘋風常坐秋

鹿眠諸處戶後喚往來舟若比西湖景淡澗西亦優

同題彌山

獨立雲間仁者容巍然秀勢萬山宗嶽神曾借巨靈

手劈撮須彌小朶峰... 寺... 山... 景... 亦... 優...

正德癸巳夏巡島詩

地靈曾稱一仙島今日周迴七浦濱迎權神鳩時近

下看人麋鹿却相馴薰風吹暑忽忘夏白浪生花別



卜春此處自知勝趣在龍宮何更問通津
題嚴島

一島如浮夫奈何春光靄靄望迷口霞開玻璃秀丹
壑烟簇瑠璃橫碧波異木森森景象列神鴉閃閃奇
峰多教莖然盡疑眸處不覺拋毫笑又歌
島稱嚴名誠有由是因姬命托風流豈同銀漢辰星
合又異巫山雲雨遊月下玲瓏明玉殿波間映徹水
晶樓龍宮淨土一方減此處自然湧出不

嚴島 僧江月 紫野大德詩中

後青山今前水濱德輝嚴島大明神今宵有心萬燈
闇百八廻廊月一輪

游嚴島 僧圭瑞

七里灘頭到晚風無追煙景望無窮雲埋周國波濤
浩島屬藝城今古同鹿飲流泉眠岸下猿尋落菓戲
林中此鄉謾不人間境心約長來寄此躬

享保癸丑春題嚴島 元裔

西海灘頭七里程，雲樓水殿物情清。日光高照孤峰
曉，霞靄前連兩國晴。麋鹿啣花眠草砌，神山採藥訪
蓬瀛。從來更覺別天地，長使鄉人學養生。
無追好景甲扶桑，游客幾回絕思量。雲物偏追麋鹿
苑，風光別卜鳳皇岡。碧空突出五重塔，青海蟠旋百
八廊。每到且驚塵外趣，龍宮城裏歲時長。

登嚴島絕頂云彌山 僧海量 近江人

攀上彌山萬仞巔，仙雲送我逼青天。無邊潮水眸中

盡八海周圍世界圓。

[Faint bleed-through text from the reverse side of the page]

嚴島藝文六

嚴島明燈 二品法親王亮延

嚴島雲晴飛綉甍宮廊壯觀壓西瀛神燈波面百千

點添着和光夜夜明

大元櫻花 藤原韶光

祠在仙山蒼海濱白櫻相映滿階春雲蒸霞散常彷彿

一段風流仰此神

瀧宮水螢

菅原總長

森森綠樹遶宮邊，南嶽懸雲吐立泉。萬點水螢三伏
夕涼風亂影似秋天。

鏡池秋月 清原宣通

海門靈跡甲西洲，嚴島佳名千古悠。多少行人富觀

賞，瑤池明月鏡池秋。

菅原為範

傳道原頭物色幽，清風爽氣不因秋。數株松樹陰深
處，旦暮只看麋鹿游。

菅原在廣

白雪重重御笠濱，平沙十里更清新。夜來最覺好風
色，寒月和光同玉塵。

藤原為經

漱灩波光有浦前，石磯一望水連天。無朝無暮問津
聒，去去來來幾客船。

彌山神鴉 一品法親王桂洲

山形如湧趣尤奇，林杪深邊雄與雌。豈有群鴉爭茂

樹一雙萬古護靈祠

八景詩跋

參議公長

前年請嚴島八景和歌於諸家奉獻然思詩是樂章則不可以無焉故又覓王卿雲客八景小律以遣柏亭於宮島附社司使奉神祠也享保元年十一月上浣參議公長記

嚴島八景詩序

僧悅峰

支那西湖沙門黃蘗萬福寺

世之好玩山水者存得失於某間自非抱其道者輒

莫辨焉苟玩之以為優樂之媒取快意於一時煙雲眩目潺湲亂耳穿鞵費糧徒以放蕩汗漫者流是却口志喪道所謂失于茲者也若夫觀山之高則思培樓吾道山臨水之深則思貯浚吾定水融視聽於心地空變態於性天心境並忘不見其蹤如此觀而采奇探幽是所謂有得于茲也余有此癖者久矣鄉本屬古揚州之地山水勝槩無如吾鄉之多者余生長其中無所足跡不屆壯年應緣此土為異域之來賓

今已三十有餘年，心境相融，不問其蹤，閑思往事，如同夢幻。我聞日域稱奇山水者，三奧之松島、丹之五臺、藝之嚴島，四方之人皆傳以為口實。嚴島世稱神靈之府，余昔自西海至神京，時維舟其下，曳杖游眺，祠宇甚宏麗，殿樓架空，廊廡跨海，其地勢障巨浸而控平原，山秀水媚，目力所及，遠近向背皆成奇觀。雖吾揚州之勝槩亦不可多讓也。思彼松島五臺之奇，未必勝此也。洛南隱士柏亭醜哉，有山水之癖者也。

平生襟氣一如丘壑之僧，去年曾為藝州之遊，謁神進香，偶遇其景界之多，一步勿便錯過，傍置筆硯，領畧奇賞，自品題八景，究之搜剔，蓋奇中之奇者乎。一係以歌篇，又徵英衲鉅卿能詩歌者若干人，聲於賦詠，皆珪璧也。連簡裝褱，欲鎮之于嚴島，求余為序。冠首，余思隱士之愛山水，是有得無失，其志可尚，於是序。

嚴島明燈

僧悅峰

好山朶朶鏡中看，百尺殿樓海氣寒。夜有神燈光映浪，却疑星斗落欄干。

大元櫻花

僧岱峰 漢松院

何年移植漢家種，凝雪興雲萬樹奇。果熟廟前吾要用，黃鶯他日莫相窺。

瀧宮水螢

僧即中 法林院

靈祠夜靜氣如秋，熠燿群飛燦急流。因憶古人求數斛，光遍岩谷樂優遊。

鏡池秋月

僧香堂 紫雲院

七里島風仙境清，十分心鏡綠池平。秋天夜夜白雲散，賸見觸波碎月明。

谷原麋鹿

僧恭堂 寶藏院

原上產來毛正鮮，呦呦呼友下江邊。見人不怖心能狎，堪愛亦尋莎草眠。

御笠鋪雪

僧百泉 龍興院

風糝飛花堆笠濱，漁夫轉棹却迷津。雲林煙島渾同

色更訝波神撒玉塵

有浦容船

僧仁峰 天真院

有浦風光何所有晚來唯見旅人船定知吟得張公

句猶聽鐘聲半夜天

彌山神鴉

僧日峰 壽泉院

嶂嶠靈嶽瑞煙霏遙見黑衣下翠微蘋藻巧啣斜日

外翩翩時掠容船歸

嚴島明燈

僧慧覺 存光寺

嚴島風光画不成湍空霜氣盪胸清神燈熟閱跋躄
久忘了飯家未欲行

僧禪超 本府人

潮滿洞庭秋色分游魚相逐水為紋由来更憶乾坤
外燈影遠映入暮雲

僧應量海

千古莊嚴島巍然泛藝溟波間燈火影伏兩却瞻星

僧謙光 長崎人

龍宮鬱起水中央，窈糾縵迴千步廊。一步一燈燈幾
點，寒潭影映簇星光。

僧獨麟 攝津人

鴉定雀棲歛夕陽，紅燈百八點長廊。夜潮推進萬波
色，天女分來無盡光。

小鷹狩元方 本府人

夜色沈沈水府空，飛甍重閣鎖雄風。社頭赫灼一燈
火，揔入神人和氣中。

僧瞻雲 遠江人

歸禽落日島雲中，仙樂聲飄逐晚風。長廊百八燈華
燦，影射魚龍海上紅。

田邊方業 長崎人

長廊盤繞海潮通，雕殿影涵銀浪中。百八明燈輝上
下，靈光夜夜照龍宮。

梅園正珉 本府人

殿廊海氣蒸，燦燦百華燈。影落魚龍躍，光浮雲霧凝。

旅舟宵不惑，仙掌露須承。能報人間喜，永令神德興。

唐彦明 竹原人

山陽開巨鎮，海北負佳名。靈閣鬱相望，華燈幾箇明。
煌煌標繡戶，灼灼點雕甍。媚水寒光散，軍汀瑞彩橫。
鯨人非泣玉，仙女豈遺瓊。波動燃帆影，夜閑照櫂聲。
鰲掀孤柱聳，鯨走大潮平。不見蜃精滅，祇任龍領驚。
高低分若木，遠近辨蓬瀛。翻怪乘槎客，直凌牛斗行。

大元櫻花

僧慧覺

崇神孰種萬花香，紅白鬪芳數靡量。片片飛米紛散
雪，逍遙遺世興充長。

僧禪超

欲見春光約後期，櫻梅紅白動詩思。丹丘不識更何
處，穆穆神廟無盡時。

僧應量海

靈地多勝事，春來迷蝶魂。雪乎花世界，花歟雪乾坤。

僧獨麟

檜杉深擁大元宮，櫻樹花開白間紅。十倍春城絲管響，鶯聲宛轉錦雲中。

北村可昌 京人

社下白櫻交影深，濃雲淡靄共森森。三春花事無多日，坐愛千金一刻陰。

田邊方業

是雪是雲千簇堆，瓊葩璀璨廟前開。紅裙醉殺遊春客，歌吹花陰忘却回。

寺尾由順 本府人

白櫻花發社前春，自以靚粧供古神。兩雨風風奇絕處，料知妙手畫難真。

僧瞻雲

遲日大元古廟前，櫻花萬樹映雲鮮。風流多少遊春客，誰賦郢中白雪篇。

梅園正珉

大元千古色春事不相違，濃豔燃滄浪。芳妍龍襲翠微。

靄浮黃鳥濕風起白鷗飛多少奉祠客賞心未肯歸

瀧宮水螢

僧慧覺

瓊祠宮堯遠市廛不知鎮迹幾千年將思星斗降岳
上螢火亂飛瀑布邊

僧禪超

鐘漏聲中返照殘天涯蕭索滿宮寒水光夜夜如銀
色疑是日南玉一團

僧應量海

清風古殿前螢火聚復散谿水揚瑤波豈望秋月滿

僧獨麟

澗陰古廟倚葱蘢自是幽人避暑宮晚映水簾螢火
影輕和濺沫逐微風

森島勝延

本府人

天女島中暮靄連瀧宮高處掛飛泉分溪幽覓宵行
影想見神光照寂然

僧瞻雲

路遶羊腸山更幽，瀑泉孑孑掛岩頭。
祠前夜靜飛螢亂，疑是銀河星彩流。

瀑泉繚亂翠巖傍，古殿風生六月涼。
飛去飛來螢火影，水晶簾外點星光。

勝境瑞雲浮，夕螢處處幽。
玉蕙飛瀑散，星任乍風流。
陰怪明還滅，靈壇去或留。
冥搜詩料足，囊裡不須收。

鏡池秋月
僧慧覺

胡為狂走室羅城，照見鏡池心事平。
物換時移雖不別，秋天月色最分明。

一鏡漸移照畫欄，羅衣今夕覺清寒。
春來有約池頭草，遠望林端月影殘。

僧應量海

鏡池本自清，明月况秋影。
暫往凝詩眸，躊躇衣衲冷。

一泓寒碧傍靈祠，淨似菱華可鑑眉。最是清秋明月夜，其如漢帝影娥池。

僧瞻雲

清秋月滿鏡容池，古殿深沈夜色奇。假使蟾宮藏蹟去，分明照見玉娥姿。

山本元貞

海水通池鏡面開，秋光一碧絕煙埃。最憐靜夜姮娥

月臨照盈盈移影來。

梅園正珉

古池一鑑開，又有明月來。露氣團秋色，水心照却灰。

蒼牙祥鳳下，廊影卧龍回。遠客不堪向，應羞霜鬢催。

田邊方業

皎潔銀盤映鏡池，寒光相照碧琉璃。風雲莫使蛟龍

起清意，一般此夜知。

本府人

蒼嶺樓臺掛海頭，鏡池秋水白雲流。水雲無恙邀明月，不減廣寒宮裡遊。

伊坂正周同上

廟外秋池鏡面開，海風淨掃點無埃。夜深因醮青霄

月，恰似龍珠捧出來。

僧慧覺

郊原漠漠草離離，獨愛清閑坐水涯。迢迢尋常來往

只，看麋鹿作群之。

僧禪超

鹿鳴荒草歲華侵，落木蕭然秋正深。不識鐘聲更何

處，山頭松柏自森森。

僧應量海

寂寞谷原曛，秋風麋鹿群。呦呦紅葉下，呼月出山雲。

田邊方業

尋藥啣花靈地，毛濯濯是神恩。呼群只要遊仙

境，逢着人間豈駭奔。

寺田高通

本府人

雨餘芳艸滿原春水綠沙明境自真麋鹿知無羅網
患呦呦不敢避遊人

僧獨麟

豐艸茂林地自幽引群仙鹿足優遊慣看來客能相
狎不識孤裘弦矢憂

僧瞻雲

街頭祠畔或沙濱引侶徘徊不畏人日暮歸來林麓

裡呦呦相喚復相親

梅園正珉

濯濯山原鹿呦呦日夕佳賴無周主逐莫使鄭人埋
時出遊街市相呼傍石崖性間又多壽知有帶銅牌
御笠鋪雪

僧慧覺

每樹花開御笠濱玲瓏大地絕埃塵忽然憶得孫康
事好學苦心能幾人

僧禪超

一氣推遷歲月催，林園蕭索雪成堆。
杖藜破帽回頭望，路上垂垂數樹梅。

僧應量海幾多深，

寒浦雪滾波平鋪，白玉屑不分，蓑笠翁來，往咸珮玦。

僧獨麟

海島寒雲灑六花，長汀十里沒平沙，北風吹下一行

雁，白紙分明墨點斜。

僧瞻雲

玄雲黯澹雪籠總，潮落沙汀銀界開，似是山陰乘興

客，扁舟載浪草津來。

田邊方業

奔濤捲雪海風凜，想得扁舟月夜深，埋沒千峰銀一

抹，不知何處問山陰。

渡部真知

映宮鋪雪海門西，色色射眸望欲迷，鶴慶影寒花表

外，不妨碧浪捲銀泥。

梅園正珉

凍雲御筵濱，平地忽鋪銀。灞上題詩客，山陰乘興人。
一簑千頃浪，萬樹滿林春。先見豐登瑞，謠歌處處民。
林下有浦客，船面到江濱。不僧慧覺

有浦市，壓倚海涯。牛頭沒去馬頭奇，往帆日日頻爭
渡。多少客船無處維。

僧禪超

海外神祠屬廣州，回頭水面浪花浮。夏天繫纜有浦

晚無數，客船自去留。

僧應量海

西陽下有浦，點點客帆聚。曉見繫留舟，炊煙十萬戶。

僧獨麟

群帆落日向仙山，繫纜翠巖碧石灣。借問東西南北
客，夢魂應不到人間。

梅園正珉

片帆西又東，晚入碧灣中。幽渚一痕月，寒潮萬里風。

越商通財貨，楚客任萍蓬。孤嶼豐饒地，四時樂不窮。

僧瞻雲

古岸候風賈客舟，吳歌巴曲度鷗洲。不知遙夜蓬牕

夢魂與月明到幾州。

村岡重德 長崎人

幾多帆影落江濤，山麗水鮮繫客心。一夜悠揚蓬島

夢，夢魂直與月浮沈。

田邊方業

千竿檣影側沙頭，蓬底相逢共話愁。南北東西萍水

客，歸心一片逐江流。

太田正章 本府人

綠楊春水白鷗汀，此地客舟幾度經。應是夜來蓬底

雨，故園草入夢中青。

柘野宣堅

江上烟霞知幾船，東音西話暗相連。躊躇不帝為風

浪，因憶高房留別篇。

彌山神鴉

伊藤長胤

京人東涯

一峯螺髻渺茫中，老樹周遭天女宮。又有神鴉能報
吉，舟行長卜去來風。

僧慧覺

奇峰怪嶺聳雲間，鬱密青於海外山。染泛波濤迴鳥

日，神鴉含去太空還。

僧禪超

雲峰獨秀對湘江，水色山光入舊邦。萬籟寂寥人境

外，神鴉千歲自雙雙。

僧應量海

層巒仰益高，嶮路登彌崑。此裡一雙鴉，托神知所止。

僧獨麟

山靈高占碧崔嵬，千歲祐民最異哉。設供舟中吹玉
笛，一雙玄羽出雲來。

田中忠

千仞山兮萬頃滄，弥峰奇絕甲扶桑。過舟笛裡泛梁

器怪見神鴉降嶮岡

僧瞻雲

妙高鬱聳海中天神鳥雙棲知幾年華鷓有時鳴

鼓排雲啣供去翩翩

田邊方業

絕頂棲鴉不作群尋常豈到碧灣濱樓船遙設賽恩

奠飛下啣供凌紫氛

梅園正珉

弥嶺自岩峽靈鴉栖密條衝嵐雙袖冷遠島小舟遙

聞笛山頭下含梁波上飄神仙元所友去欲問松喬

嚴島神社在崎門
借時雲
嚴島神靈海中大神鳥雙排知幾年華鶴有時鳴
嚴島神靈海中大神鳥雙排知幾年華鶴有時鳴

四邊芳草

嚴島山即伊奈米熟土原中山西延古松門此為
嚴島山即伊奈米熟土原中山西延古松門此為
嚴島山即伊奈米熟土原中山西延古松門此為

嚴島藝文七

嚴島

寺田革

嚴島關靈境巋然古鎮宮朱樓浮碧海畫閣映青空

山湧鰲排浪雲垂鵬逐風要知神德盛請見百川東

詣嚴島

境勝鳴闔國嚴島望無窮地角滄溟破天門鐵壁崇

風雲千里眼南北一蓬躬賴愛名山水何曾入郟中

嚴島華表重成

華表已成君侯命余作
記嚴諸神廟故句中及

天開嚴島鎮山陽華表重成神德彰鉅柱撐空垂蟠
竦飛梁跨海舞鸞鳳潮回御沼勢逾峻日拂扶菜影
最長作記不辭勞翰墨願憑穰福奉餘光

次韻固蘭洲嚴島

神山縹渺小蓬萊七浦風烟與海開今古精禋無廢
弛闕宮時進紫霞椽飛樓跨海勢方雄百世威靈穆不窮赫赫朝躋神隲
日扶菜影滿八藩中

嚴島偶作
七浦風烟隨棹移神鴉飛處羽差池怪巖竒石麗如
畫畫裏秋光盡上詩

二位尼洲懷古

福山貞儀

尼公抱幼帝錦袖淚珊珊寶劍化龍去碧潮秋月寒
望嚴島

松本安美

蓬萊近指彩雲中海上仙色咫尺通此際秋濤看自
壯釣鰲直欲駕長風

春日同羨秀遊嚴島南溪

春山行盡入南溪，桃李如雲望欲迷。
岸上翠蘿青壁下，好揮彩筆共君題。

戊申十月同諸子遊嚴島淹留二旬餘窮峻探
勝景况不一賦之記其行云

平賀周感

高節厭塵網，遠操慕林丘。嘉遯貴頤志，不冀軒冕傳。
特有同懷素，詩酒好所修。三旬同告暇，幽討相為謀。

詰朝蓐食出，利涉就渡頭。推篷殘星落，捲帆宿霧收。
前程不知遠，風烟行迎眸。海市山一轉，忽爾現層樓。
千檣列如樹，謹呼拖膠舟。客跡何所主，偶向精舍投。
款待情何厚，盤餐陳甘羞。時在冬十月，小春尚殘秋。
開牕攢峰秀，當軒霜樹稠。抱葉援漱漱，飲澗鹿呦呦。
山靜篔簹響，松高澗月愁。鳴磬夜聞梵，漏鼓曉報籌。
咨扣不招至，緇素見風猷。散髮朝未理，起卧意悠悠。
山水佳可賞，夙志欲為酬。興來每提攜，登涉縱窮幽。

出逐樵唱，去入尋僧約。留茲地何鍾秀，勝槩甲中州。
島嶼接南豫，海驛隣西周。雲霧效瑞祥，林壑鎖松楸。
鬼工塔標出，虹偃橋勢浮。廊階連海沂，祠壇架潮流。
威靈千載古，祝史一命僂。張樂陟降曲，擊鼓送迎謳。
我旦夕其間，優游得所求。向是煙霞窟，今為枕席遊。
歷覽心無厭，聊足叙綢繆。問吾間適意，行樂死不休。
嚴島有洞窟，可坐六七十人。燒薪澆潮，人之有疾
就而取治者，日數十人。余亦試焉。旬餘舊痼頓

愈。戲作歌記其狀。其語近俗，其調類俳。亦唯書
間無事，以遣消閒之興耳。

有窟有窟，何神工。扶持構成造化功，且暮晦旨未可
悔。惴惴且臨幽闇中，時有燄燄薪火，懸火底赫赫上
焦煙。莫是玉石俱焚灼，束薪燒盡餘燼。前海藻澆潮
雖撲滅，豈知死灰不復燃。修治雜遠近，客沈溺重
脆。或跛躄，身著敝衣，足躡屨，面被氈布，頭戴席，裝成
踞牀。某在斯，物色何以辨阿誰。賈壯，直欲赴湯火，瞪

視未前暫遲疑有卒促治叨呵責冥然誰不失魂魄
天道恢恢無物無非鍼非灸非藥石決意屈折入洞
口坐次向背暗摹索洞中別有小天地天地何物不
跼踏苦悶煩渴乾唇舌舉體坐覺敬兒熱流汗若醬
津津下氣息厭厭欲綿愒潮火鬱蒸室如燉一出
入再為節發蒙執飲漸將蘇始識神定氣未竭我亦
體肥苦勝情脚力欲折二里程來往緩步涉旬日旦
夕試治功自成四支百體快何似兩腋習習清風生

仙乎海水將山阪一身輕舉如蹈平斯身斯時換凡
骨恰是冷然御風行

過光明院

路從懸棧上梵宇倚層巒空翠垂堪掬暝雲結可餐
推窓滄海濶開戶亂山寒禪侶元相識慇懃引我看

題水精寺望潮樓

何必寒潮壯登樓望不同猿啼懸棧外鹿飲亂流中
卧摘諸峰翠坐觀千樹紅誰知山海勝收在古龍宮

遊嚴島 滕隱居跡余而至牽小舟于岸上住為

贈

閱盡一生浮非因老病休應隨鹿豕去羨伴魚蝦遊
行徑自通陸來潮復泛舟人間堪晦跡莫使孝廉求

同前集子順僑居生善畫二首

咫尺僑居近提携相往還興逢家醞至談熟客心閑
馳思青雲外置身白石間游巖元痼疾將解幾時顏
來作旬餘客夜談惹旅愁還家同說夢探勝或謀遊

泉石唯登屐煙波自釣鉤新圖君且妙好給少文求

除夕赴嚴島途中

優游吾獨是心跡兩相親寒候仍除夕煙容已立春
風濤行望島海驛不迷津笑彼都人士栖栖誤此身

遊嚴島留宿視遠連白

來投故友盧歡待意何疎樽俎新正際酒魚嘉惠餘
纔為三日客已是二年居留宿唯談舊松窗夜枕虛

觀舞曲

當場隨鼓節，曲度上階來。波躍游龍激，雪翻素蜺回。
歸風馳太液，行雨繞陽臺。應有神人和，九成次第催。

夏日陪滄洲先生遊嚴島過飲壺中菴

竹蹊深卜地，茅宇此中偏。吻鹿新林外，殘花古砌前。
偶隨縫掖老，來伴懸壺仙。歡興何辭醉，素封有酒泉。

題嚴島觀瀾閣贈主人

日中為市處，海閣望何如。輻輳諸州舶，蚩眩雜賈居。
戶封千甕酒，帳秘五車書。且有斯文好，多年能起予。

登彌山

須彌上界古禪場，鐘響寥寥半彼蒼。峭壁懸巖山鳳
窟，重巒層磴路羊腸。行雲忽過日沈閣，片雨初晴風
滿堂。十二峯峯朝暮色，神遊無夢到高唐。

千疊閣

海門秋盡白雲收，一道風煙好放眸。重嶺低臨千疊
閣，澄潭倒落五層樓。蘆汀釣罷曉吹笛，楓浦鐘鳴夜
泊舟。借問年年登眺客，舊題誰不記曾遊。

望彌山

高頂半是雨，千仞倚削成。欲望竒絕處，立待山雲晴。

水晶寺鐘

右大将宗盛公所施入

伊昔平大将，千載空有名。只聞洪鐘響，不聞磬杵聲。

遊嚴島主野孫作家

時看猿子近投林，雨後閑園綠自深。為是殘花相護切，歡情占得主人心。

發嚴島

誰言三島杳難攀，一日扁舟探勝還。咫尺山烟將海霧，送迎總在渺茫間。

送牧羊道士歸嚴島

離席傳杯此送君，珮聲縹緲半空聞。神仙豈向人間住，直指蓬萊海上雲。

神女廟看燈

十二長廊百八燈，波間涵影影相仍。怪來點點看無焰，月上寒山第一層。

登龍窟是弘法修法處

躋攀晝暗老杉松，翠壁千尋壑萬重。勿怪時時起雲霧，到今猶有鉢中龍。

華表松

落落雙松自百圍，豈知城郭人民非。踰躑有鳥沖天去，莫是遼東丁令威。

別水精寺

此地煙霞不易逢，波間殘月落孤篷。歸橈如向楓橋

泊，認聽水精寺裡鐘。

嚴島舟歸

天際雲盡海風閑，幾處煙花探勝還。一片懸帆行自遠，仙山隔在夕霞間。

題嚴島壺中庵

仙醞釀來誰得同，主人高興有壺公。登樓終日飲難盡，剩見名山縮地工。

嚴島遊暢菴

深入南溪路茅庵何所名園開山影落篔簹水聲清
松戶來猿嘯柴垣聽鹿鳴時移城市隱更好暢幽情

題嚴島神女祠

帝女祠壇接渺茫高標竝立海中央朝光日射金銀
闕夜色燈懸十二廊仙鹿常遊人境靜神鴉斜引客
船長白茅徒佩將軍印望氣何知有禁方

題嚴島座主知足庵

又稱寶林舍

養老禪餘卜地年寶林潛跡愛天然楓江月落鐘聲

斷松塢雨晴帆影懸層嶂躡雲通隱處回溪剡木引
遙泉風煙常住唯知足不計買山多少錢

春盡日遊嚴島大元浦

數片殘花點石林解來衣袂帶芳香人間九十春將
盡何似仙遊日月長

晚春遊嚴島大願寺

白櫻飽雨落階除香火靈場世不疎莫是龍王聞法
去猶疑天女散花餘

古辭賦天女北帝... 仙鹿神鴉相後先... 延余飛度百尺... 階下仰歎大閭問控控... 凶逆不臣平相國... 義弘元就

黃玉表浸碧海浪金榜御題射蒼穹君不見神人鋸
斷須彌半移而置之蓬萊東變幻萬狀搖未定翩若
彩雲泛春空中棲靈妃市杵姬紫貝之闕水晶宮君
臣遭遇其所掌香花奔顛傾萬象余亦乘夢一到此
珊瑚寶鞭策白龍仙鹿神鴉相後先延余飛度百尺
虹驚傑廊響迷初覺百八珠燈波底紅寅夜始達瑤
階下仰歎大閭問控控凶逆不臣平相國義弘元就

題嚴島真景圖

柴邦彥

黃玉表浸碧海浪金榜御題射蒼穹君不見神人鋸
斷須彌半移而置之蓬萊東變幻萬狀搖未定翩若
彩雲泛春空中棲靈妃市杵姬紫貝之闕水晶宮君
臣遭遇其所掌香花奔顛傾萬象余亦乘夢一到此
珊瑚寶鞭策白龍仙鹿神鴉相後先延余飛度百尺
虹驚傑廊響迷初覺百八珠燈波底紅寅夜始達瑤
階下仰歎大閭問控控凶逆不臣平相國義弘元就

底、蛟、螭、不知神明何所眷、福祐擁護如許、隆、余有神
策萬餘言、一言而可以興邦、東說西說、舌已爛、君相
不看、衰如聾、衰朽寒、餓非所顧、報國思効、滄埃、忠、聰
明、正直、如不昧、回首一為照、丹衷、銀纏、長刀、今安在
何、惜、整時、借、禿翁、哀、歔、千聲、寂、不答、况、然、骨、慄、朦、朧
中、賴、家、真、圖、誰、處、得、一一與夢、所見、同、對、之、猶、疑、魂
未、返、如、聞、空、樂、裊、曉、風

嚴隲真景圖

數慈 熊本文學

一望南天海氣消、仙山擎出碧岩堯、玉河十里乘明
月、瑤閣三重踏紫霄、帝子英靈雲錦瑟、仙郎歌舞木
蘭橈、更將百八神燈色、照得檻前夜夜潮、

嚴島

葛張 浪華人

靈壇臨海岸、丹腹映潮痕、麋鹿沙邊伏、蜀鴉月下翻、
松公船不見、天女樂猶存、遊食幾民戶、無人說國恩、

嚴島二首

河子龍 全上

海心擎出玉芙蓉、負嶠方壺望幾重、風動龍燈波、激

艷雲晴靈殿，樹玲瓏。玄猿白鹿，時時見，朱草紫芝，往往逢。誰問當年回蹕處，宛然翠蓋石巖松。丹崖翠巘，倚青霄，曲檻迴廊，架海潮。空外鸞音風縹渺，表頭鶴影月飄颻。雲連靈蜃，天宮近，波負神鼇。仙嶠遙，海嶽千年鍾秀，地誰省，探穴賦才，饒。

赤松鴻赤穗文學

遙望彩雲西，海天片帆逐。且至無邊，豈思更有新知，樂吹送清風，滿閣前。

宮島

菅晉帥

彩舟銜尾，倚汀沙，隱映仙山五色霞。壩內潮回，廊九曲，街頭鹿狎，市千家。諸平威，燄悲黃土，二帝宸遊，想翠華。懷古何人，同此意，四隣歌吹徹宵譁。女兒喧笑，亂雲間，云是遙窮絕頂還。諸殿宛如曾夢境，千崑始認舊看山。階樹幾回添老蓋，江波依舊浸孱顏。憶昔垂髫侍家祖，偷花趁蝶向仙寰。鼓鳴演劇夜開場，只見妖童走且狂。沙浦鋪氍賣官

醞出攏懸燭列京娼，熟看瀉壤嬉娛夥。端覺清時恩澤長，仙島亦遭兵燹厄。人傳鏖戰殪陶姜。

臘月廿九日宮島雨中作

武元質

倫前人辨

歲暮曾嫌俗累紛，故來宮島避塵氛。寒聲遠響迴廊雨，晚色平沈曲浦雲。有事街頭人正鬧，無營簷下鹿成群。詩情却咲癡情甚，獨忍風威立水濱。

除夕

宮島

東西巷上人猶鬧，百八廊頭燈未消。半夜鐘鳴報新

歲臨沙萬炬汲春潮。

宮島雜咏

層層老樹暗林邱，泉響泠泠聽自幽。竹筧懸如蛛網亂，幾家分得一溪流。

遊客舟船繫短戙，廣城從此半帆風。錦窠香國前宵夢，猶在櫓聲鴉軋中。

三月晦再過宮島客舍有感

藝海通志 卷一
憶昨斯亭迎歲新，尔來遊跡混風塵。看過世態尋常事，虛却年光九十春。客懷難消賒濁酒，花期易誤愧閑身。偶然重到林庭際，綠葉成陰草作茵。

雨中大聖院偶作

閑房鬱樹中，躑躅滿深叢。舊綠添新綠，濃紅雜淡紅。苔長看蔽石，雨響暗聞風。坐覺溪源遠，清泉溢篔簹。

遊泛舟周遊嚴島十絕

東西戊辰四月念三，桐守子幹為余艤輕舟，携詩

新水友三兩，葦尋嚴島七浦之勝。是日江雲黯淡，釀雨未成，不風不浪，水面如鏡。逢佳處則散，步松間高卧沙上，酌酒賦詩。唯意所適，倦則上舟，晡時而還。亦客中一快事也。書所見得十絕。

非晴非雨景方好，不暑不寒時亦宜。江面無風平若

慰一聲柔櫓破玻璃

雙橈爭盪疾如奔，怪狀奇形過眼繁。潮嚼山根疑斧

鑿松欹岩角似龍蟠
千仞青崖樹倒懸舟人停棹汲清泉
佳者將備杯尊興與酒漁翁換小鮮
盤礴平沙好把杯山光松影入黃醅
尊前爭獻東南勝島嶼縈回積翠開
彌峰南畔盪舟遲豫岳周山綠陸離
云是神鴉來去處礫嵬石上置荒祠
樵斧聲稀紫翠圍午深舟及葦籠崎
起梳招得江風

力帆侶弓彎一霎飛
遠島陰雲海色濛孤松樹底杙吟蓬
鷗鷁暴翅沙汀上麋鹿養茸林樹中
尋遍幽竒日未闌松間石上尚盤桓
客中快事充應記七浦風光一日看
舟去匆匆惜觀終卸帆更蔭浦頭松
風吹小雨過沙步樹滴蒼嵐入酒鍾
戀賞風光數月移艤舟此日共遊嬉
却離宮隍望宮

島遠望奇於近望奇

留別宮島

天許斯身付一閑淹留勝地水煙間朝過幽寺僧同
話暮步回灣鹿與還歸棹輕颺鷗外艇別顏愁見雨
中山多情送我蒼茫際雲裡參差翠髻鬟

六月重遊宮島

憶昨閑行引興長再來難認舊風光幾家歌舞留遊
容數處俳優滿戲場舟簇灣間怪無水店開沙嘴別

成坊誰知海上清涼境頃作人間熱鬧鄉

巖島

原震

筑前人

秋潮披拂妙音宮寶塔憑雲華表雄瑤宇雕欄廊百
八繁絃急管市西東沙汀鹿卧呦呦草巖樹猿懸孑
孑風夜靜仙妃倚歌去凌波羅鞵月明中

三鬼廟

風磴雲門星斗親瀛洲地主是何神丈山去後無詩
傑海嶽峻嶒似待人

七月十三夜舟抵嚴島月色甚佳懷古愴然作

風吹此門星斗懸此山古對無名賴惟柔山古對無名

嗟伊都岐島誰不道仙境今夕吾來維真知物外景

夜氣分外澄月露滿天炳樓臺層層出殿廊自嚴整

金波溢玉池歛滢漾其影閃閃翻神鴉哀哀叫頑獷

我亦生百感痴想乍馳騁懷古事在自先觀承安幸

雲嵐擁鳳輦風木聞蹕警又見二品尼波上現閑靚

龍衣已浪蕩劍璽復藻荇島有二位洲云又懷弘治

事大軍付一打草際陶羞鬼啾啾作悲哽更深百怪

消四望人聲靜獨有群鹿行月傾影益瘠曉露殊增

淒衣薄肌骨冷時看夜漁歸小浦繫舴艋羨汝家仙

島一生甘淨耿願言借一區蓑衣共笠箸

嚴隲

天造此洲屬我邦自誇天下本無雙八百峯巒碧崆

峴下有神女領群姬雲冠霞裳玉琤琤或向江濱來

蘭江靈駕遠出誰能眩人道神廐汗寶駝洲民畜鹿

不畜，尅無復，蚕繭與耕，糞萬人仰神，無朽腔，戶戶淨
潔，唯神懣，憶昔翠華擁大江，錦纜來，維鳳凰，艘平相
肝，膽大如杠，半夜拔山五，下杠，豪華事去，水淙淙，空
留孤塔立，奔龍，又憶江公一穗缸，風雨襲賊，賊乍降，
陶姜是後真，愚惹宛如馬陵收窮，龐竭來聲，色日樅，
樅紅樓，絲管競紛，厖名倡並舞，百花幢，妙技爭奏，都
盧撞，誰知幽人繫煙，雙柁底，晚飯酒一缸，俯仰感古
對空，空潮落前灣，露魚，三鬼峰頭月如缸，夜深山

寺僧鐘撞時，恠岸上有楚楚，飢鹿覓食，覘船牕。

題岡岷山巖島圖

大小跳梁三鬼峰，主賓對待兩神宮，帶妻雄鹿眠茶
店，教子老鴉窺祭蓬，龍舌吐珠，廊窗月，雀翎翻舞表，
頭，風却恨仙區，湯傳世，山靈未敢倩名工。

題宮嶽圖

劉元高 本藩人

日本名區，島是三，于中宮，岳藝西南，虬龍鱗起，紫朱
檻，山鬼棲幽，護寶龕，春樹遙連，蒼靄，疾夜燈低，被翠


潮涵嘆嗟精妙丹青手坐使仙蹤一一探

宮岳

滄波高處現蓬瀛霞表神宮列繡甍何議人憑鰲背

住時看月自蚌中生彩籠拾貝春衣暖玉笛呼鴉午

飯清少長早晨拜祠罷提籥各汲翠潮行



[Faint bleed-through text from the reverse side of the page]

淡波高成現... 江特... 故浦...



